

Date – 13/04/2026

Time - 7:30 -7:40 Hrs

AKASHVANI AIZAWL
REGIONAL NEWS BULLETIN
HEADLINES (MORNING)

1. Mizoram sawrkar leh Hmar People’s Convention (Democratic) te chuan April ni 14 hian Sakawrdai ah inremna an ziaik dawn.
2. MNF President Pu Zoramthanga chanchin ziahna ‘From Guerrilla Fighter to Chief Minister’ tih chu naktuk April ni 14 hian Larsap General (Rtd) Vijay Kumar Singh a’n a tlangzarh dawn.
3. Mizoram sawrkar chuan nimin April ni 12 thlenga tuialhthei leh Gas dinhmun tarlangin tun dinhmunah harsatna a awm loh thu an sawi.
4. West Bengal leh Tamil Nadu Assembly inthlan campaign in a vanglai a thleng chho mek



HPC(D)

Mizoram sawrkar leh Hmar People’s Convention (Democratic) te chuan naktuk April ni 14 hian Sakawrdai ah inremna an ziaik dawn.

Home Department hnen atanga thudawn danin Mizoram sawrkar leh Lalhmingthanga Sanate kaihhruai pawl Hmar People’s Convention (Democratic) te chuan April ni 14 hian Sakawrdai ah inremna an ziaik dawn a, he inremna ziah hunah hian Adviser to Chief Minister (political) Pu Lalmuanpuia Punte pawh a tel dawn a, Sawrkar hotute sawi danin Inremna hi Mizoram sawrkar aiawhin Home Secretary in a ziaik ang a, HPC (D) aiawhin President Lalhmingthanga Sanate in a ziaik dawn a ni.

Sawrkar hotute sawi danin Hmar People’s Convention (Democratic) mi 43 te chu April thla chhunga an lo kir theih na turin ruahmanna siam a ni a, heng mi 43 te hian thuneitute hma ah an ralthuam an tun hunah an lo lut dawn a ni.

Mizoram sawrkar leh HPC(D) inremna tura inbiakna hi tunhnaiah khan neih a ni a, hetah hian Adviser to CM Pu Lalmuanpuia Punte leh Mizoram sawrkar bakah HPC(D) te inbia in April ni 14 ah inremna ziah an remti ta a ni.

Thudawn danin inremna ah hian HPC (D) hian a hranpa a phut an neilo a, amaherawhchu Sinlung Hills Council huamchhunga khaw hrang hrang inkalpawhna tha zawk neih an duh thu an sawi a, heng bakah hian HPC (D) mi leh sa te intun

tunna tur sumfai pe tura inrem niin Sawrkar laipua Ministry of Home Affairs nen ngaihtuah tlan tura ruahman a ni.



CENSUS 2027

Chhiarpui 2027 atana thawhkhatna chu kalpui mek a ni a, mahni a inziahlhna Self Enumeration ah Mizoram atangin mi 6,030 an in ziaklut tawh.

Sawkar Laipui Registrar General and Census Commissioner of India hmalaknain chhiarpui thawhkhatna chu kalpui mek a ni a, India rama a vawikhatna atana Houselisting atana Online Portal a mahni inziahlh theihna chu April ni 1 atang khan kalpui a ni a, tun dinhmunah Mizoram ah 6030 an in ziaak lut tawh a ni.

State sawrkar a Chhiarpui buaipuitu te chuan awlsam zawka he chhiarpuihian hian in ziahlh a nih theihnana online portal ruahman chu mitinin hmang tangkai se an duh thu sawiin, hei hian Houselisting atan Enumerator ten mimal ina hun an hman chu nasa takin a chhawk zangkhai dawn a ni an ti a. Self Enumeration hi se.census.gov.in ah April Ni 15 thleng a tih theih a ni dawn a ni.

Mizoram chhiarpui hnukung ber chu kum 2011 khan neih a ni a, hetah hian Mizoram a mihring cheng zawng zawng zat chu nuai 10 sing 9 sang 1, 014 a ni a, mipa nuai 5 sing 5 sang 2, 339 leh hmeichhia nuai 5 sing 3 sang 8, 675 a ni a, mipa 1,000 zelah hmeichhia 975 an awm a ni.



EX-CM

MNF President leh Chief Minister hlui Pu Zoramthanga chanchin ziahna ‘From Guerrilla Fighter to Chief Minister’ tih chu naktuk April ni 14 hian Larsap General (Rtd) Vijay Kumar Singh a’n a tlangzarh dawn.

Pu Zoramthanga lehkhabu ah hian Mizoram tana zalenna an sual dan chanchin leh Chief Minister a nih chhoh dan kimchang taka ziah a ni a, sapṭawnga ziaak niin Larsap hian April ni 14 ah Aijal Club ah a tlangzarh dawn a ni.

Pu Zoramthanga lehkhabu chhut saktu Penguin Random House of India hi khawvel puma publisher lian ber niin kum khata an sum lakluh pawh a tam hle a, MNF President chu hun harsa tam tak paltlanga damchhuak zinga mi chhuanawm anih avangin tihchhuah sak ngei an duh thu an sawi a, Lehkhabu hi Amazon ah lei theihin a awm a, Aizawl-a tlangzarh hnuah dawr hrang hrangah zawrhchhuah ani baw ang.



MUHCS 2.0

Mizoram Universal Health Care Scheme (MUHCS) thawh hnihna atan ni 2 chiah inziahlhna hun a awm ta a, naktip April ni 15, Nilaini lo awm tur thleng hi a inziahlh theih dawn.

Mizoram sorkarin health care scheme a kalpui mek thawhnhnihna MUHCS 2.0 atan hian kumin February Ni 16 atang khan Mizoram sorkar chuan internet kaltlanga inziahlhna hun a hawng tan a. Internet thatlohna khua bikah chuan sub-centre leh hmun remchangah inziahlhna tur sorkarin a ruahman bawk a. Mahnia online hmanga inziahlh harsat te tan Sub-Centre tina health worker ten an tihsak thei bawk a ni.

Tunhnaiah MUHCS 2.0 hi mipuiin an zawm theih nan Kohhran hrang hrang pawhin hma an la a. UPC Mizoram te chuan tunhnaiah zawmin an kohhrana thawk, Mizoram khua leh tui, MUHCS zawm thei zawng zawng chu MUHCS zawm turin tun thla tir khan an lo hriattir tawh a. Mizoram Presbyterian Kohhran pawhin Kohhran tin te an kohhran member sum harsatna avanga MUHCS zawm thei lo te'n an zawm theih nan hma la turin an in ngen a. Tunah hian Kohhran hrang hrangin hma la an la mek a, an kohhran member MUHCS zawm kawnga sum leh paia harsatna nei te in report tura hriattirin an buaipui sak mek bawk a ni.

VC of Correspondent

<><><>

MIZORAM TRANSPORT

Mizoram Transport chhinchhiah danin, kumin March thla tawp thlengin Mizoram chhungah lirthei nuai 3 sing 6 sang 3, 435 register a ni tawh

Lirthei register zingah hian lirthei ke hnih nei, two wheeler chu register tam ber a ni a, tun dinhmunah Mizoram pumah two wheeler nuai 2 sing 2 sang 9, 183 register tawh niin hemi dawt-ah hian mimal motor LMV 55,343 register a ni tawh bawk.

Transport Department-in a a tarlan danin, tun dinhmunah Two Wheeler Taxi Mizoram pumah 4,109 a awm mek a, passenger phur motor-te ke li nei 59,889 awm mekin passenger phur motor tho ke thum nei chi 6,386 Mizoram pumah register tawh a ni bawk a, heng bakah hian sumdawna atana hman, motor lian bungraw phur chi 23,517 register tawh a nih bakah Car rental a tlan lirthei 2,383 a awm mek bawk.

Transport Department-in thla hmasa thlenga Mizoram a motor register tawh a chhinchhiahna-ah hian Mizoram chhungah Bus 560 awm mekin Ambulance 275 register a ni tawh bawk a, lei laihna lirthei, Excavator pawh a vaiin 1,198 register a ni tawh bawk.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

OIL & GAS

Mizoram Sorkar chuan, indona thleng mek vanga eirawngbawlna Gas leh tuialhthei-a harsatna thleng thei lakah Mizoram Sorkar chuan ngawrh takin hma a la reng a. Tun dinhmunah eirawngbawlna Gas leh tuialhthei chu Mizoramah a thleng tha a, mipui tan chia-na tur a awm lo tih an sawi.

Sawrkar tarlan danin nimin April ni 12 thleng khan Mizorama LPG Distributor hrang hrangah Domestic (14.2Kg) bur 15100 a awm a, kawng laka thang mek bur 33244 nen a vaiin bur 48344 awm ang a ni a. Commercial (19Kg) chu Distributor-ten bur 619 an kawl bakah kawng laka thang mek 336 nen avaiin bur 955 a awm a. Petrol pawl Filling Station-ah Kilolitre 1262 awmin, kawng laka thang mek Kilolitre 536 nen a vaiin Kilolitre 1798 awm ang a ni a. Diesel chu Filling Station-a Kilolitre 1383.60 awmsa bakah kawng laka thang mek Kilolitre 644 nen a vaiin Kilolitre 2027.60 awm ang a ni.

<><><>

PYD

Mizoram UPC General PYD hnuai Social Wing Committee bultumin PYD member-ten Inrinni khan Chite lui an thianfai.

Hnatlangah hian Bazar Bial PYD, Bethlehem Bial, Bawngkawn Bial leh Ainawn Veng PYD member bakah Oneness Royal Enfield Riders atangin mi 100 chuang an thawk chhuak a. Bawlhhlawh garbage Ip 256 an chhar khawm a, Sanitation Deartment-in Garbage Truck an thawh hmangin bawlhhlawh hi an paih nghal a ni.

Hnatlanga thawk chhuakte hman tur kutkawr leh Garbage bag chu UD&PA Department-in an tum sak a ni.

<><><>

CAMPAIGN

West Bengal leh Tamil Nadu Assembly inthlan campaign in a vanglai a thleng chho mek a. Tun thla ni 23-a vote thlak a ni ang. West Bengalah chuan district hrang hrangah political party hruaitute an campaign ngawrh hle a. Nimin khan Silliguri ah Senior BJP leader leh Prime Minister Narendra Modia chuan thusawiin Silliguri chhuahka chu ram venhimna atan a pawimawh hle a ti a. Sawrkar laipui chuan he corridor hi a vil uluk em em a ti a. West Bengal-a sawrkar lai Trinamool Congress (TMC) Party chu sawiselin helai corridor ti ping a, hmarchhak state te hrek tumna a thlawp a ni a ti.

Hetihlai hain Trinamool Congress hruaitu leh Chief Minister Mamata Banerjee pawhin Khandagosh ah thu sawiin BJP chu na takin a bei a. An party chuan an intiamna ang an tihlawhtlin zel laiin BJP hruaitute erawh chuan an thiltiam an umzui ngai lo a ti.

Tamil Nadu ah pawh inthlan campaign boruak ngawrh taka neih a ni a. BJP hotu Nitin Nabin chuan Virudhunagar district a Sattur ah Tamil Nadu BJP hruaitu Nainar Nagendran puin a campaign a. Hei bakah hian hmun hrang hrangah kawngzawh huaihawt a ni baw k a. BJP , AIADMK, PMK leh NDA thawhpuiten heng kawngzawh hi an zawm ve a. NDM hotupa leh State Chief Minister MK Stalin pahwin nimin khan Paramakudi ah thu a sawi a. Mipuite nen an inkawm baw k a ni.

<><><>

PM GATI SHAKTI

PM Gati Shakti National Master Plan hnuaiiah ramchhungah rel kawng siam nan kum 2025-26 chhungin cheng vaibelchhe nuai 1 sing 5 leh sang 3 hman a ni. Union Ministry of Railway sawidanin hemi chhung hian relkawng km sang 6 chuang siam a ni a. Kum hmasa aiin zaa 110 in rel kawng tihlen hi a pum a. Project 100 chuang thawhzawh niin mitin huapzo hmasawnnate, ram inpumkhatna tur leh ramchhung hmun kilkhawr ber thleng phak turin theihtawp chhuah a nih thu a tarlang baw k a ni.

<><><>